

Գր. Գրիգորյան

ԺՈՂՈՎՈՒՐԴՆԵՐԻ ԲԱՐԵԿԱՄՈՒԹՅԱՆ ԱՐՏԱՑՈՒՄԸ
«ՍԱՍՈՒՆՑԻ ԴԱՎԻԹ» ՀԵՐՈՍԱԿԱՆ ԷՊՈՍՈՒՄ

Արտաքին ու ներքին հարստահարիչների դեմ էպոսի հերոսների տարած հաղթանակները, նրանց մարտական խաղաղասիրությունն ու ստեղծագործ աշխատանքի տենչը խարսխվել են նաև ժողովուրդների բարեկամության, ամուր հիմքերի վրա, որոնք չեն սասանվել ժողովուրդների կյանքի ամենակրիտիկական պահերին անգամ: Ժողովուրդների բարեկամությունը իբրև սոցիալական սլաքարի հաստուկ զենք իր սուր ծայրով ուղղվել է ազգային ու սոցիալական ճնշումների դեմ: Այդ պատճառով, տրքան ավելի սաստկացել է ազգային ու սոցիալական ճնշումը, այնքան ավելի խորացել ու ամրապնդվել է ժողովուրդների բարեկամությունը որպես նրանց դիմադրողական հզոր ուժի, համատեղ սլաքարի ու հաղթանակի նախադրյալ: Այս շատ լավ հասկացել են թե ազատասեր ժողովուրդները և թե նրանց ստրկացնել ցանկացող ներքին ու արտաքին հարստահարիչները: Ահա թե ինչու վերջիններս ջանք չեն խնայել խափանել ժողովուրդների բարեկամությունը, սերմանելով նրանց մեջ յրոնական ու ազգային ատելություն, իսկ առաջինները ոչնչացնելով այդ արգելքները, իշխողների զլխի վրայով ձեռք են մեկնել իրար և էլ ավելի ամրապնդել բարեկամության անխզելի կապերը: Այդպիսին է եղել նաև հայ ժողովուրդը իր բազմադարյան պատմության ընթացքում: Դրա ապացույցներից մեկն է այն հարուստ բանահյուսությունը, այդ թվում հատկապես «Սասունցի Դավիթ» էպոսը, որի մեջ գեղարվեստական լայն ընդհանրացումներով արտացոլվել է նրա հարգանքն ու սերը հարևան և հեռավոր ժողովուրդների, իսկ ատելությունն ու ցասումը հայրենի և օտար հարստահարիչների նկատմամբ: Էպոսի հերոսները՝ հայ բանահյուսության դրական մյուս կերպարների նման, միշտ բարձր են պահել ժողովուրդների բարեկամության ու եղբայրության գրոշը և դաժան դատաստան տեսել բոլոր նրանց հետ, որոնք ցանկացել են գետին տապալել այն: Էպոսի հերոսների պաշտպանած բարեկամությունը հիմնվել է ժողովուրդների ազատությունը հարգելու և սոցիալ-դասակարգային թշնամու դեմ մղած դարավոր պայքարում միմյանց օգնելու անխախտ սկզբունքի վրա և իբրև այդպիսին հակադրվել իշխողների «բարեկամությանը», որի էությունը ցայտուն կերպով բացահայտված է նույնիսկ հին բանահյուսությունից մեզ հասած փշրանքներում: Այդ փշրանքները ցույց են տալիս, որ իշխողների ու թագավորների «բարեկամությունը» ամենահին ժամանակներից հետապնդել է նեղ կաստայական նպատակներ և հիմնվել է անձնական շահի, ուժի և կեղծիքի վրա: Իբրև օրինակ կարելի է հիշել Աթահակի ու Տիգրանի «բարեկամությունը» և այդ բարեկամության նպատակն ու շարժառիթները: Դրանց մանրամասն քննությունից երևում է, իրոք, որ Աթահակի և Տիգրանի դաշինքն ու «բարեկամությունը» ամենից առաջ ուժի բարեկամություն է: Աթահակը հանդուրժում է այդ բարեկամությունը այն պատճառով միայն, որ հանձին Տիգրանի տեսնում

է մի հզոր թագավորի, որը անհրաժեշտութեան դեպքում, առանց պիտանքի կարող է ոչնչացնել իրեն։ Այլ կերպ ասած նա բարեկամանում է վախից, իր ինքնութիւնը ամբողջապէս կորցնելու վտանգից և ոչ թէ Տիգրանի հետ գաշնակցելու անկեղծ ցանկութիւնից զրոյված։ Այդ «դաշինքի տւ բարեկամութեան» մեջ Տիգրանն էլ տեսնում է իր շահը։ Հանդուրժելով Աթդահակի ինքնութիւնը, «բարեկամանալով» նրա հետ, նա հզորացնում է իր ռազմական ուժը, իր բացահայտ թշնամիների դեմ կռւելու համար։ Նրանց բարեկամութիւնն, այսպիսով, կեղծ բարեկամութիւնն է։ Հարստահարիչների կեղծ բարեկամութեանը վիպանքում հակադրվել է ժողովուրդների փոխադարձ իսկական բարեկամութիւնը։

Այդպիսի մի լավագույն ապացույց է նաև հայերի և ալանների բարեկամութիւնը, որը վիպասանքում դրսևորում է Արտաշեսի և Սաթենիկի ամուսնութեան միջոցով։ Բն ինչպիսին է եղել այդ հատվածի ժողովրդական նախնական տեքստը, դժվար է ասել։ Բայց մի բան պարզ է, որ այստեղ ամենայն ջերմութեամբ գովերգվել է երկու ժողովուրդների բարեկամութիւնը։ Տվյալ դեպքում իրրև ժողովուրդների ներկայացուցիչներ մի կողմում հանդես է գալիս Արտաշես թագավորը, իսկ մյուս կողմում՝ ալանների թագավորի դուստր Սաթենիկը, որոնք ամբողջութեամբ բարձրանալով իրենց պատմական նախատիպերից, ներկայանում են որպէս վիպական-գեղարվեստական կերպարներ։ Այսպիսով, վիպասանքի հիշյալ դրվագում մենք փաստորեն գործ ունենք ժողովուրդների մտորումներն ու ձգտումներն արտահայտուլ վիպական դրական հերոսների հետ, թագավորի կամ թագավորազնի տիտղոսով, մի երևույթ, որը լայն տարածված է հայ և օտար ժողովուրդների հեթաթենների մեծագույն մասում։ Այս տեսակետից Արտաշեսի և Սաթենիկի ամուսնութեան միջոցով վիպական Արտաշեսի և ալանների թագավորի միջև հաստատված բարեկամութիւնը ըստ էութեան հակադրվում է Տիգրանի և Աթդահակի «բարեկամութեանը» և հանդես է գալիս, իբրև երկու ժողովուրդների բարեկամութիւն։ Սրանով է բացատրվում նաև նրանց հարսանյաց արտակարգ շքեղ հանդեսի պատկերումը վիպասանների կողմից։

Տեղ ոսկի տեղայր

Ի փեսայութեանն Արտաշիսի,

Տեղայր մարգարիտ

Ի հարսնութեանն Սաթինկանն¹։

Եթէ նրանց միութիւնը չլինէր երկու ժողովուրդների բարեկամութեան արտահայտութիւնը վիպասանները դժվար թէ պատկերէին այն, ինչպէս չեն պատկերել Աթդահակի ու Տիգրանուհու կեղծ նպատակներ հետապնդուլ ամուսնական հանդեսը։ Այդ բարեկամութեան բնորոշ առանձնահատկութիւնն այն է, որ հիմնված է ոչ թէ ուժի, շահի ու կեղծիքի վրա, այլ փոխադարձ սիրովրա։ Այդ բարեկամութիւնը հարդում է ժողովուրդների ինքնութիւնը, նրանց ազգային արժանապատվութիւնը։ Արտաշեսի և Սաթենիկի ամուսնութիւնը հանդես է գալիս ոչ իբրև ժողովուրդներին ստրկացնելու և միմյանց վրա անսահման տիրակալութեան հասնելու միջոց, այլ երկու ժողովուրդների բարեկամութեան ամրապնդման միջոց։ Նրանց ամուսնութիւնը ի հակադրութեան Աթդահակի ու Տիգրանուհու ամուսնութեան հետապնդում է ոչ թէ ստոր նպա-

¹ Սովետի Խորհրդայն, Պատմութիւն Հայոց, Տփղիս, 1913, էջ 179։

տակներ, այլ միմյանց չկոտրելու «դյուցազանց օրենքի» իրագործմանը և ժողովուրդների միջև հրահրվող «հավիտենական» թշնամության ոչնչացմանը, ժողովուրդները չպետք է ստրկացնեն միմյանց, և կամ թշնամաճան իրար հետ — ահա Սաթենիկի Արտաշեսին ուղղված խոսքերի խոր իմաստը:

Քեռ ասեմ, այր քաջ Արտաշէս,
Որ հաղթեցեր քաջ ազգին Ալանաց.
Եկ հաւանեաց բանից Աչագեղոյ դստերս Ալանաց
Տալ զպատանիդ.
Զի վասն միոյ քինու ոչ է օրէն դիւցազանց՝
Զայլոց դիւցազանց զարմից բառնալ զկենդանութիւն,
Կամ ծառայեցուցանելով ի ստրկաց կարգի պահել,
Եւ թշնամութիւն յաւիտենական
Ի մէջ երկոցունց ազգաց քաջաց հաստատել՝:

Ալանների արքայորդու գերությունն այստեղ իբրև վիպական գիծ երկու ժողովուրդների խաղաղասիրական ու բարեկամական ցանկությունների արտահայտման միջոցն է, իսկ Արտաշեսի և Սաթենիկի ամուսնությունը այդ ժողովուրդների դարավոր բարեկամության գեղարվեստական-վիպական դրսևորումը: Այս փաստը, կրկնում ենք, առավել արժեք է ստանում, երբ նկատի ենք ունենում, որ մենք գործ ունենք ոչ միայն պատմական Արտաշես թագավորի և ալանների պատմական թագավորի աղջկա հետ, այլև գերազանցապես վիպական Արտաշեսի և ալանների, այժմյան օսերի ժողովրդական էպոսի իմաստուն հերոսուհու՝ Շատանեի հետ, որը հայ ժողովրդական վիպասանական երկերում դարձել է Սաթենիկ: «Սաթենիկ անվան համընկնումը նարտական նշանավոր հերոսուհու՝ Շատանեի (Սատանեի) անվան հետ, — գրում է օսական էպոսի հետազատողներից մեկը, — դժվար է պատահականություն համարել, մանավանդ, որ խորենացու ամբողջ պատմությունը միանգամայն պատմական ոեալ անցքերի արձագանքն է...»²:

Սրանք են իշխողների կեղծ և ժողովուրդների իսկական բարեկամության վերաբերյալ ավանդական բանահյուսության մեջ դրսևորված ակնառու փաստերը, որոնցով նույնպես հին բանահյուսությունը սերտորեն առնչվում է «Սասնա ծռեր» էպոսի հետ: Այս, ըստ էության, գաղափարական կապը նախ մի անգամ ևս ընդգծում է խորենացու միջոցով մեզ հասած բանահյուսական փշրանքների ժողովրդական բովանդակությունը կամ ոգին և ապա ժողովրդի մեջ լավագույն տրագիցիաների կենդանի մնալու և սերնդից-սերունդ փոխանցվելու ծանրակշիռ հանդամանքը: Այս, անտարակույս, չի նշանակում, թե էպոսում պատկերված բարեկամությունը ավանդական բանահյուսության մեջ դրսևորված բարեկամության կրկնությունն է: Բոլորովին. էպոսը այս գծով ևս չէր կարող և չի մնացել ավանդական բանահյուսության մակարդակի վրա՝ այն պարզ պատճառով, որ ձևավորվել է ժողովրդի պատմական զարգացման նոր բարձր աստիճանում (VIII—XII դդ.), արտացոլում է հասարակական նոր՝ ավելի բարդ հարաբերություններ և բանավոր վիճակում շարունակել է ապրել իր ստեղծման օրից ընդհուպ մինչև մեր ժամանակները: էպոսի այս վերջին

¹ Մովսէսի Խորենացույ, Պատմութիւն Հայոց, Տփղիս, 1913, էջ 178:

² «Нартский эпос», Сборник статей, 1949, стр. 46.

չափազանց կարևոր առանձնահատկությունը հնարավորություն է տվել վիպասանների բազմաթիվ սերունդների ավելի խորն ու ամբողջական ներկայացնելու ժողովրդի կյանքի ու պայքարի, ինչպես մյուս կողմերը՝ աջակես էլ ժողովուրդների օրավուր ամրապնդվող բարեկամությունը, որն էպոսում նույնպես դրսևորվել է ամենից առաջ հայերի և այլազգիների ներկայացուցիչների միջև տեղի ունեցած ամուսնական ակտի ու դրա հետևանքով ստեղծված խնամիական կապերի ձևով:

Այլազգիների հետ մեր հերոսների ամուսնության փաստերը շատ են էպոսում: Բացառությամբ մեծ Մհերի, էպոսի բոլոր գլխավոր կերպարները ամուսնանում են այլազգիների հետ: Սանասարն ու Բաղդասարն, օրինակ, ամուսնանում են Պղնձե քաղաքի թագավորի աղջիկների հետ (Ա. 142), Դավիթը պարսկուհի («պարսիկ մեկ խանըմ ըմ կիլնի հանդութ հանըմ», Ա. 57), կամ ադրբեջանուհի հանդութի, իսկ փոքր Մհերը Գյուրջու աղջկա հետ, որն իմանում ենք Մսրա Մելիքի թոռներին պատժելու համար հորեղբոր խնդրանքով Սասուն վերադարձած իրեն իսկ Մհերի խոսքերից:

Խերախոտ խորոխպեր, վիր իլի՛
Իմ թագավորութիւն գետին իմ դրի,
Քաղաք իմ գյուրզին թասլիմ իմ էրի
Իմ գյուրզ Գյուրջու աղջկան քասլիմ իմ էրի:

Ա. 230

Պատումներից մեկում (Ը պատում) Գորգեզ իշխանը, որ ներկայացնում է վրաց ժողովրդին, Մհերի քեռին է, որից նա ձեռք է բերում Քուռիկի Զալալին (Բ. 264): Այս փաստերը պատահական փաստեր չեն: Ընդհակառակն, դրանք դարեր շարունակ տեղի ունեցող ու հարևան ժողովուրդների մեջ ևս քաղաքացիական իրավունք ստացած կենցաղային սովորույթի գեղարվեստական արտացոլումն են: Այլ կերպ ասած, դրանք տիպական փաստեր են, որովհետև արտահայտում են ժողովուրդների բարեկամական ձգտումները և խորապես համապատասխանում են պատմական իրականությանը: Այդ փաստերը ցույց են տալիս, որ ամուսնանալով այլազգիների հետ՝ էպոսի հերոսները, հետևապես և ժողովուրդը ըստ ամենաշնի ժխտում են ժողովուրդների միջև եղած կրոնական տարբերություններն ու ազգային խտրականությունը և դրանով իսկ լայն ճանապարհ բացում նրանց մերձեցման ու բարեկամության համար: Հատկանշական է, որ ստեղծված բարեկամական կապերի հետևանքով էպոսի հերոսները անձնուրաց կերպով օգնում են բարեկամ ժողովուրդներին՝ բնության ու հասարակության շար ուժերի դեմ նրանց մղած հերոսական կռիվներում: Սանասարն ու Բաղդասարն, օրինակ, Քառսուն Ճող Մամին և նրա քրոջը «Քաջանց» երկրից կամ պղնձե քաղաքից բերելու ժամանակ ոչնչացնում են ծովում նստած մարդակեր ու ջրարգելի վիշապին և վերջինիս երկվորյակ թագավորի 60 զոմշանման (=վիշապանման) և «փահլեաններին» (Ա. 843—844), իսկ Դավիթն ու փոքր Մհերը՝ հանդութի ու Գոհարի երկրների վրա հարձակված թշնամիներին: Այսպիսով, նրանք ժողովրդին մի դեպքում ազատազրուծ են ֆիզիկական ոչնչացումից, մյուս դեպքում ստրկացման սպառնալիքից: Այս պարզ ցույց է տալիս, որ ամուսնական կապերի միջոցով դրսևորված նրանց բարեկամությունը հիմնված է ոչ թե շահի ու կեղծիքի վրա, այլ թշնամիների դեմ համատեղ մղվող կռվի սկզբունքի վրա, ոչ թե ամուսնության միջոցով նոր երկրներ տիրե-

լու ձգտման, այլ այդ երկրների ժողովուրդների ինքնությունը հարգելու սկզբունքի և իրենց՝ կանանց նկատմամբ տաժաժ անկաշառ սիրո վրա: Բնորոշ է այս տեսակետից այն փաստը, որ Սանասարն ու Բաղդասարը Քառսուն Ճող Մամին բերելիս չեն մտածում տիրանալ այդ երկրին: Դավիթը հակառակ հանդուժի թախանձանքներին, հրաժարվում է Կապուտկողում մնալուց և նրա վրա իշխելուց (Ա. 40): Նույն կերպ է վարվում նաև փոքր Մհերը Գոհարի հետ: Այս սկզբունքից որոշ շեղում է կատարում մեծ Մհերը միայն, Մսրա Մելիքի կնոջ հետ կենակցելու և նրա երկիրը ժամանակավորապես տիրելու իր արարքով: Այս վարքագիծը դուր չի գալիս վիպասաններին, այդ պատճառով էլ նրան դատապարտում են ամժամանակ մահվան: Մհերի նկատմամբ վիպասանների ցուցաբերած նմանօրինակ վերաբերմունքը միայն վիպասանների անհատական վերաբերմունքը չէ, այլ ամբողջ ժողովրդի վերաբերմունքը, ճիշտ այնպես, ինչպես հարևան ժողովուրդների նկատմամբ էպոսի հերոսների ցուցաբերած վերաբերմունքն ու նրանց ցույց տված օգնությունը հերոսների անհատական վերաբերմունքն ու օգնությունը չէ, այլ ժողովրդի վերաբերմունքն ու օգնությունն է: Այս տեսակետից պարզ է միանգամայն, որ էպոսի հերոսները և նրանց այլազգի կանայք հանդես չեն գալիս իբրև լոկ անհատներ, այլ հանդես են գալիս իբրև այն ժողովրդի մարմնացումը, որին պատկանում են նրանք: Ահա թե ինչու նրանց կապն ու միությունը դադարում է անհատների նեղ անձնական կապ լինելուց և դառնում է հայ տ. հարևան ժողովուրդների անխորտակ բարեկամության արտահայտությունը, ժողովուրդների եղբայրության սիմվոլը:

Սակայն ժողովուրդների բարեկամության դրսևորումն էպոսում գլխավոր հերոսների ամուսնական կապերով չի սպառվում: Այն արտահայտվում է նաև նրանց և հարևան ու օտար ժողովուրդների ներկայացուցիչների միջև ստեղծված ընկերական, եղբայրական կապի ու փոխհարաբերության միջոցով: Սանասարն ու Բաղդասարը, Մհերն ու Դավիթը ժողովրդից կտրված մենակյացներ և կամ իրենց անձից դուրս ոչինչ չտեսնող էգոիստներ չեն: Ընդհակառակը, նրանք ժողովրդի կյանքով ապրող և իրենց անձը լավագույն բարեկամներին զոհելու պատրաստ մարդիկ են: Անձնական երջանկության ամենաբարձրագույն աստիճանում անգամ նրանք չեն մոռանում ժողովրդի մարդկանց, այլ հանդես են բերում մեծ հոգատարություն ու սեր: Իրենց գործողություններում նրանք միշտ և ամենուրեք առաջնորդվում են ժողովրդական հումանիզմի սկզբունքներով: Հենց այս է, որ նրանց թշնամիների նկատմամբ դարձնում է դաժան և անզիջում, իսկ ժողովրդի մարդկանց նկատմամբ բարի և հոգատար, հենց այս է, որ բարեկամացնում ու «ախպիրացնում» է նրանց իրենց նմանների հետ: Բնորոշ է այս տեսակետից Սանասարի ու Բաղդասարի և Քառսուն Ճող Մամին սպասող փեսացուների բարեկամությունը: Աշխարհի տարբեր ծայրերից հավաքված այդ երիտասարդ փեսացուներին իր քաղաքի պարիսպների տակ կախարդական «հավաքի» միջոցով Քառսուն Ճող Մամը այլաճակում է և դարձնում զառամյալ ծերունիներ: Այդ պատճառով նրանք մոռացած Քառսուն Ճող Մամին մտածում են միայն այդ երկրի ոահմաններից փախչելու մասին: Այս բանում օգնում են նրանց երկվորյակ եղբայրները: Պղնձե քաղաքի թագավորին և նրա փահլևաններին հաղթելուց հետո, Սասուն մեկնելիս Քառսուն Ճող Մամի միջոցով նրանք երիտասարդացնում են նրանց: Ավելին, իրենց ջանքերով բերված Քառսուն Ճող Մամին առաջարկում են քառասուններկու փեսացուներից ընտրել նրան, որին նա սրտանց սիրում է:

Քառսուն ծոց Մամն, իհարկե, բռնում է Սանասարի ձեռքը։ Սակայն այդ չէ կարևորը։ Կարևորն այստեղ այն է, որ նրանք չեն հանդուրժում շարությունը և շար գործը, ով էլ կատարած չի նի այն։ Կարևորն այստեղ նրանց նկատմամբ երկվորյակ եղբայրների ցուցաբերած խորը մարդասիրական վերաբերմունքն է, որը արձագանք գտնելով երիտասարդ փեսացուների մեջ, մղում է նրանց անկեղծ, անկաշառ եղբայրության ու բարեկամության (Ա. 155)։ Ժողովրդական նույն հումանիզմը բարեկամության է մղում նաև Դավթին ու խանդութի սիրուն սպասող քառասուն փեսացուներին։ Ամուսնանալով խանդութի հետ, բարոյապես հաղթելով նրա փեսացուներին, նա անմարդկային է համարում վշտահար թողնել նրանց։ Այդ պատճառով նրանց իր հետ տանում է Ադրբեյջան և քառասունին էլ ամուսնացնում (Ա. 220)։ Նկատելի է, որ մեր հերոսները ախպերանում են այլազգիների հետ ոչ թե քեֆի սեղանի շուրջը, այլ նրանց գլխին կախված վտանգի ժամանակ, նրանց փրկության ու ազատության համար մղած կռվի մեջ։ Փոքր Մհերի և Հալաբա քաղաքի յոթ հսկաների միջև իսկական բարեկամություն է ստեղծվում միայն նրանց թշնամու՝ մարդակեր պառավի դեմ Մհերի համարձակ ելույթով։ Ինչպես մյուս հերոսները, այնպես էլ Մհերը բարեկամների համար չի խնայում իր անձը։ Դուրս գալով մարդակեր պառավի դեմ, նա փաստորեն վտանգի է ենթարկում իր կյանքը։ Չնայած դրան, նա հետ չի կանգնում այդ կռվից, որովհետև բարվոք է համարում զոհվել, քան անօգնական թողնել իր «ախպերներին» մարդակեր պառավի կերպարանքով հանդես եկող սոցիալ-դասակարգային թշնամու առաջ։ Այսպիսով, նրանք կոնկրետ գործով ին հաստատում ու ամրապնդում էին իրենց բարեկամությունը։ Նույն կերպ են վարվում նաև մեր հերոսներին բարեկամության ձեռք մեկնող հարևան ժողովուրդների ներկայացուցիչները։ Նրանք նույնպես անձնուրաց են ու հավատարիմ, անկեղծ են ու չկրթված բարեկամի, իսկ դաժան ու անխնա՝ թշնամիների նկատմամբ։ Իրեն օրինակ կարելի է հիշել Գորգիլյան, որը պատումների մեծագույն մասում վրացի է, և որպես այդպիսին ներկայացնում է վրաց ժողովրդին։ Գորգիլի և Դավթի բարեկամությունն սկսվում է խանդութի տանը և խորանում ու ամրապնդվում է այն անձնուրաց օգնությամբ, որ ցույց է տալիս Գորգիլը Դավթին նրա թշնամիների դեմ մղած կռիվների ընթացքում։ Գորգիլի անկեղծ բարեկամությունը փրկում է Դավթին սպանությունից։ Այն պահին, երբ խանդութի քառասուն փեսացուները սրբոր մերկացրած հարձակվում են գիծովցած Դավթի վրա՝ Գորգիլը սթափեցնում է նրան գոչելով՝ «Սառհսեր Դավիթ հոգի վնաստուն է, Վրաստուն չէ»։

Գինին գԴավիթ վերուց, ու գԴավիթ տարավ,

Երոր Դավիթ հրմա կեղնի,

Ին դինուց գրուխ կը ցածցու դետնի վրենն,

Ին մարգեր դուրանց թրեր կը քաշեն, որ գարկեն

Ու երոր գրուխ վի կը վերու

Զթրեր կը դնեն ուրանց շոգի տակ։

Հեղըմ լե, որ հրմալ էղավ,

Քավոր Գորգիլ կանչեց, — սանհեր Դավիթ

Հողի վնասատուն է, վրաստուն չէ։

Դավիթ երոր լսեց, ասեց,

Գիդի զդուռ բռնեի

Դավթին Գորգիզի ցույց տված օգնությունը, և նրա իբրև բարեկամի հավատարմությունը պատկերելու հետ միասին, այստեղ խանգովի դավադիրներով լի «վնասատունը» հակադրված է բարեկամներով լի «Վրաստանը» (=Վրաստանին), որը վտանգի ժամին շատ անգամ է գորավիզ կանգնել հայ ժողովրդին: Հայ և վրացական սկզբնաղբյուրների վկայությամբ վրաց ժողովուրդը հայերի հետ արաբների դեմ միացյալ տեժերով պայքարելուց բացի, արաբների դեմ միայնակ ապստամբած և պարտություն կրած հայերին հաճախ է ապաստան տվել Վրաստանի տերիտորիայի արաբների կողմից չգրավված մասերում: «Սրանից հետո,— գրում է 11-րդ դարի վրաց Անանուն պատմիչը,— եկավ հագարացի տղա մարան՝ Աբու-Գասիմ անուն, Աբու-Սաջիի որդին, արաբացին: Սրան ուղարկել էր Ամիր-Մումլին մեծ և անհամար զորքով, որին երկիրը չէր տեղավորում: Նա նախ մտավ Հայք (Սոմխիթ) և ավերեց ամբողջ Հայքը (Սոմխիթը), Սյունիքը, Վայոց-Ձորն ու (վ)ասպուրականը, Ասփուրականը: Չդիմանալով նման ավերածությանը՝ Սմբատ հայոց (Սոմեխների) թագավորը փախուստի դիմեց և ուղղվեց Ափսազաց լեռների կողմը, և այնտեղ էլ մնաց»¹: «Ի դառն և ի նեղ ժամանակիս» հայ ժողովրդին վրաց ժողովրդի ցույց տված օգնության մասին տեղեկություններ են տալիս, ինչպես արաբական շրջանի, այնպես էլ հետագա դարերի հայ պատմիչներն ու գրիչները: 15-րդ դարի մի գրիչ, օրինակ, իր ընդօրինակած ձեռագրի հիշատակարանում Հայաստանի վրա կենկ Թեմուրի որդի Շահրուխի 1436 թ. կատարած բարբարոսական ու ավերիչ արշավանքների և «Վրաց աշխարհում» հայերի ապաստանելու մասին գրում է. «Ցանկացող եղէ այս հոգելից տառիս ի դառն և ի նեղ ժամանակիս, որ որդի մեծի խորագմին Թամուրին՝ Շահառուխին կոչեցել, չորս տեղամ, բազում հեծելոք, անգույթ և անագորոյն և անաղորմն և ծարաւի արեան քրիստոնէից՝ Լրեկ ի վերայ աշխարհիս Թավրիզոյ, որ լազում և անասելի աւերած ի վերայ աշխարհիս հայոց: Զի զոր սրով կոտորեաց, և զոր անողորմ գերի վարեաց և կորոյս, և զոր սովամահ՝ Լոյան, և զոր մահն տարաւ, զորս գայլք և գազանք կերան և պատառեցին, և մնացեալքն այսր և անդր փախեան բնաջինջ և մտին աշխարհին վրաց»²:

Պատմական այս փաստերի և նմանօրինակ մի շարք հանրահայտ փաստերի վիպական արձագանքը պետք է համարել նաև այն էպիզոդը, որտեղ Մովսիսը իր տղաներին՝ Բաղդադի խալիֆի կամ կռապաշտ թագավորի դեմ ապստամբած Սանասարին ու Բաղդասարին խորհուրդ է տալիս գնալ Վրաստան և ապաստանել Գորգիզ (Գորգիզ) թագավորի մոտ: «Որդիկ, փախե՛ք, դացե՛ք Գորգիզ թագավորի քաղաքն, որ ձեր խեր ձեզի շմատղա կոչերին» (Բ. 138): Անկասկած է, այսպիսով, որ ի դեմս Դավթի ու Գորգիզի ընկերական կապի ու վերջինիս անկաշառ օգնության, իր տղաներին Մովսիսի տված խորհրդի և «հողի վնաստուն է, Վրաստուն չէ» առածատիպ խոսքի, մենք գործ ունենք հայ ու վրաց ժողովուրդների դարավոր բարեկամության գեղարվեստական-վիպական արտահայտությունների հետ:

Սրանք են հայ և հարևան ու օտար ժողովուրդների ներկայացուցիչների ընկերական-եղբայրական կապի ու փոխադարձ օգնության միջոցով դրսևորված

¹ Պ Ր Օ Ֆ. - գ Ր. Լ. Մելիսեր-Բեզ, Վրաց աղբյուրները Հայաստանի և հայերի մասին, Երևան, 1934, էջ 202:

² Ալլումև, Հայաստանում, Բ., էջ 357:

բարեկամության փաստերը: Դրանք կարելի է շարունակել, էպոսն այդ հնարավորությունը տալիս է, բայց բերածներն էլ բավական են համոզվելու, որ բարեկամությունը էպոսի հերոսների համար պատահական տև էպիզոդիկ երեվոյթ չէ, այլ հանդիսանում է հերոսների էությունը, նրանց գործողությունների ուղենիշ գաղափարը: Եվ այդ ոչ միայն այն պատճառով, որ Սանասարն ու Բաղդասարը, Մհերներն ու Դավիթը ժողովուրդների բարեկամությունն ամրապնդող անհատներ են, այլև գլխավորապես այն պատճառով, որ նրանք բարեկամասեր հայ ժողովրդի մարմնացումն են, նրա մտորումների ու ցանկությունների արտահայտիչը:

Անհրաժեշտ է նշել, սակայն, որ էպոսը չի սահմանափակվում միայն իսկական բարեկամության դրսևորումով: Այն իբրև կյանքի ռեալիստական բազմակողմանի արտացոլում վեր է հանում ու մերկացնում նաև իշխողների կեղծ բարեկամությունը, որն ըստ էության հակադրվում է ժողովուրդների անշահախնդիր բարեկամությանը. և դրա անձնվեր պաշտպաններին: Եվ իրոք, եթե ժողովրդի մարդկանց բարեկամության է մղում ժողովուրդների շահը, որը մանրամասն ցույց կտրվի նաև հետո, ապա հարստահարիչներին բացառապես իրենց անձնական շահը, հարստահարիչների դասակարգային շահը: Եվ քանի որ դրանք բացարձակապես անհարիր են ու հակասական, և որ մեկի գոյությունը պայմանավորված է մյուսի ժխտմամբ, այդ պատճառով էլ էպոսը ժողովրդի ու հարստահարիչների և կամ նրանց ներկայացուցիչների բարեկամության ոչ մի փաստ չի տալիս: Ժողովուրդը կամ նրան ներկայացնող անհատները չեն բարեկամանում, չեն հաշտվում տիրողների հետ, ինչպես հաղթանակի, այնպես էլ պարտության դեպքերում: Սասունցի Դավիթն, օրինակ, «քառասուն գազ» հորում անգամ փրկություն չի խնդրում Մսրա Սելիքից: Նա քաջ գիտակցում է, որ փրկություն խնդրել նրանից, կամ «ախպերանալ» նրա հետ, նշանակում է իրեն դատապարտել ստրկության: Այդ պատճառով բարվոք է համարում մեռնել խոր հորում, քան խնդրանքով, ի սեր «ախպերության» ազատվել այնտեղից: Նա չի գիշում թշնամուն, անհաշտ ու անողոք է նրան նկատմամբ որտեղ և ինչ պայմաններում էլ դտնվելիս լինի: Դրան հակառակ նա կռվի ամենաթեթևագույն «ախպերանում է» ժողովրդի ներկայացուցիչ արաբ զորականի, իսկ մի այլ դեպքում Բաբր Ֆրենկի քաղաքի աշխատավորության հետ և այլն: Բարեկամության դավթյան կամ ժողովրդական ըմբռնումն, այսպիսով, ժխտում է հարստահարիչներին: Հանում ժողովուրդների պաշտպանության, հանում նրանց փոխադարձ սերտ կապի և անկաշառ օգնության: Սրանով է բացատրվում ժողովրդի ներկայացուցիչների ամուսնական, ընկերական ու եղբայրական կապերի անկեղծությունն ու հարատևությունը, ջերմությունն ու ամրությունը: Բարեկամության հիշյալ հատկանիշներով էլ նրանք հակադրվում են հարստահարիչների «բարեկամությանը», որն էպոսում ևս հետապնդում է բարեկամների երկրները զավթելու նպատակ և հիմնված է կեղծիքի և սարսափի վրա: Էպոսում իբրև այսօրինակ բարեկամության կողմնակիցներ հանդես են գալիս ժամանակների նոր աժդահակներ՝ Մսրա Մելիքը, Քուլընկի դեր և բոլոր թագավորները: Սրանք բարեկամության առաջարկ են անում էպոսի ազգային դրական հերոսներին, երբ լսում են նրանց ամենահաղթ ուժի մասին, կամ, երբ իրենց կաշվի վրա զգում են այդ ուժի հզորությունը: Մսրա Մելիքն, օրինակ, «ախպերանում է» մեծ Մհերի, իսկ Քուլընկի դեր փոքր Մհերի հետ այն բանից հետո, երբ պարտվում են նրանցից:

Մհեր վերցրեց Դևին, տվեց գետին,
Դև, ասավ.— որ ուխտ եմ արե
Իմ քուր պըտի տամ քեզի,
Ես էլ քեզի ախպեր ըլլիմ:
Բ. Բ. 309

Դավթին աշխարհի բոլոր թագավորները «բարեկամության» առաջարկ են անում, երբ իմանում են, որ նա սպանել է Մսրա Մելիքին, այսինքն, երբ համոզվում են, որ նրան կարելի է հաղթել միայն դավադրությամբ, կեղծ բարեկամության քողի տակ: «Դավթի համբավն էնպես տարածվեց հըմեն կողմ, որ ուրիշ շատ թագավորներ ուզին ընդոր հետ բարեկամութեն անեն» (Բ. Բ. 198): Հասկանալի է և միանգամայն տրամաբանական, որ այսօրինակ բարեկամները պետք է խզեին և խզում են իրենց կապերը, զավթում են բարեկամի երկիրն ու ստրկացնում ժողովրդին, երբ հանգամանքների բերումով թուլանում է վերջինս: Այսպես է վարվում, օրինակ, Մսրա Մելիքը իր բարեկամ մեծ Մհերի հետ: Սրա մահից անմիջապես հետո նա հարձակվում է Սասունի վրա, տիրում ու կողոպտում է այն և ստրկացնում ու «խարջի» տակ դնում ժողովրդին:

Ջուաբ տվեցին Մսրա Մելիքին
Թի «Սասնա Մհեր մահացեր ի,
Սասուն անտեր մնացեր ի»:
Մսրա Մելիք ասքար առավ,
Գնաց զարկեց Սասնա վերեն,
Սասնա երկիր քարուքանդ արավ
Արավ խողովն հավասար:
Ա. 789

Միանգամայն կեղծ նպատակներ է հետապնդում նաև Մսրա Մելիքի կին Իսմիլ հաթունը, Մելիքի մահից հետո մեծ Մհերին ամուսնության առաջարկ անելով: Նա սիրո միջոցով դավում է Մհերին, այնպես, ինչպես՝ Աժդահակը Տիգրանին: Ամուսնանալով Մհերի հետ Իսմիլ հաթունը Աժդահակի նման հետապնդում է ագրեսիվ նպատակներ: Նա ձգտում է հզոր ժառանգ ունենալ Մհերից և այդ ժառանգի միջոցով հետագայում հանգցնել «Սասնա օջախը», զավթել Հայաստանն ու հայ ժողովրդին:

Մհեր ան մեկ օր դրսուց իրը տուն
Կը տեսնը՝ կնիկ զոպ լաճ կը խաղցըցը,
Կը խնդանա, կըսը.
«Մեր մեռնի քիզ Մսրա Մելիք,
Մսրա օջախ կայնացրցիս,
Սասնա օջախ փըճըսըցիս»:
Ա. 547

Մհերն այս առիթով կշտամբում է Իսմիլ հաթունին՝ ասելով «Քու միտ շարը, դու չարութիւն շանք կըտաս քու լաճուն» (Ա. 548): Իսմիլ հաթունի վարքագծին Մհերի տված այս գնահատականը բնութագրական է էպոսի բոլոր հարստահարիչներին և «բարեկամական» այն կապերին, որ ամուսնական ու այլ միջոցներով հաստատում են նրանք իրար միջև և ժողովրդի մարդկանց միջև: Սրանք են էպոսում դրսևորված կեղծ բարեկամության փաստերը, որոնք իբրև ժողո-

վուրդների բարեկամությանը և նրա ըմբռնումներին հակադիր ըմբռնման արտահայտություններ, ամբողջապես և անվերապահորեն ժխտվում են: Դրանք պատկերվել են միայն մեկ նպատակով՝ հարստահարիչների ագրեսիվ ձգտումների մերկացման և իսկական բարեկամության բուն էության ընդգծման նպատակով:

Բարեկամության ժողովրդական ըմբռնումը, սակայն, չի սպառվում ոչ հարստահարիչների կեղծ «բարեկամության» ժխտումով և ոչ էլ հայ ու հարևան ժողովուրդների ներկայացուցիչների վերոհիշյալ ամուսնական ու շնչնրական կապերի պատկերումով: Այն ունի ավելի լայն ընդգրկում, սոցիալ-քաղաքական ավելի ամուր հիմքեր, որոնք որոշակի արտահայտվում են ուրիշ ժողովուրդների ազգային ու սոցիալական ճնշման դեմ մեր հերոսների մղած պայքարում, դավթողական պատերազմների ժխտման և խաղաղության անձնվեր պաշտպանության մեջ: Բայց սրանք ոչ միայն ժողովուրդների բարեկամության հիմնաքարերն են, այլև նրա պոստմոդերն ձևերն ու միջոցները: Ուրեմն, խոսել դրանց պատկերման մասին է պոստում, նշանակում է հենց խոսել ժողովուրդների բարեկամության բուն արտացոլման մասին:

Հայտնի է, որ էպոսի դրական բոլոր հերոսները՝ սկսած Սանասարից, վերջացրած արտատեր աղքատ կնոջով, անձնվեր պայքարում են օտար դավթիչների դեմ, տմանք թրով ու գլուրզով, ոմանք էլ գլխավոր հերոսներին տված իրենց խրատներով ու խորհուրդներով, նրանց մեջ բռնության նկատմամբ ցասում ու ատելություն արմատավորելով: Օտար հարստահարիչների դեմ մղած պայքարի ծանրությունը իր ուսերի վրա կրել է բացառապես ժողովուրդը, այդ պատճառով նա մասսայաբար հանդես է բերվել նաև հիշյալ կովի արտացոլման հանդիսացող էպոսում, անկախ այն բանից, որ գլխավոր հերոսները իրենց վարքագծով ու մտորումներով ներկայացնում են հենց ժողովրդին: Հանդես գալով էպոսում, ժողովուրդը հերոսաբար պայքարելուց բացի հետևել է իր հերոսներին և ճիշտ ու նպատակասլաց ընթացք տվել նրանց գործողություններին: Դրան, ի թիվս բազմաթիվ օրինակների, իբրև ապացույց կարող է ծառայել նաև այն փաստը, որ Դավթի հայրենասիրական գործողությունների սկիզբը դնում է արտատեր կինը. հայտնելով նրան Մսրա Մելիքի կողմից ուղարկված Կողբադինի դաժան հարկահանության մասին: Ազգային թշնամու դեմ մղված կովին նրա մասնակցությունը այդ փաստով չի սպառվում, իհարկե: Սակայն խնդիրն այդ չէ, այլ այն, որ նա ոչ միայն մատնացույց է անում դեպքը, այլև հորդորում է Դավթին նրանց հետ դաժան դատաստան տեսնելու համար, վառում է Դավթի հայրենասիրական զգացումները և դրանով իսկ կրկնապատկում նրա հզորությունը: Դավթին պառավ կնոջ և ժողովրդի մյուս ներկայացուցիչների (ախլաթցիներ, սասունցիներ և այլոց) ցույց տված օգնությունը ավելի է ընդգծում Մսրա Մելիքի հարկահանների և նրա զորքի դեմ մղված կովի համաժողովրդական բնույթը: Ազգային թշնամիների դեմ մղված կովի հենց այդ համաժողովրդական բնույթով է բացատրվում այն հաղթանակը, որ տանում են հերոսները նրանց նկատմամբ: Այդ ակնհայտ է և դրա վրա կանգ առնելն ավելորդ է: Այստեղ պետք է բերենք մի քանի փաստեր միայն. դույց տալու, որ ազգային թշնամու դեմ հայ ժողովրդի մղած պայքարը և ուրիշ ժողովուրդների նույնանման պայքարին նրա ցույց տված օգնությունը միաժամանակ ժողովուրդների համերաշխության և բարեկամության համար մղած

պայքար է, ժողովուրդների եղբայրության ամրապնդմանը ցույց տված օգնություն: Այս տեսակետից պերճախոս են Պղնձե և Կանաչ քաղաքներում իբրև օտար հարստահարիչների հանդես եկող ջրարգել վիշապների դեմ Սանասար և Բաղդասար եղբայրների մղած կռիվները: Այդ քաղաքների ժողովուրդների խնդրանքով սպանելով երկիրն ավերող վիշապներին, նրանք օգնության ձեռք են մեկնում նրանց՝ ազգային ճնշման դեմ մղված պայքարում և դրանով իսկ բարեկամության հիմք դնում սասունցիների ու այդ ժողովուրդների միջև: Սանասարն ու Բաղդասարը նույնպիսի օգնություն են ցույց տալիս նաև Յոթ-Ճող-Ծամ Գոհարին: Նրա խնդրանքով սպանում են երկրի վրա հարձակված 40 դեվերին և ժողովրդին ազատագրում ստրկացումից: «Սանասար ինչ կանես արա, դրո՞ւմ է Յոթ-Ճող-Ծամ Գոհարը, խեղճ ախպորտ Պաղտասարին, ձիգ օգնության արի, դեեր կա՞նք են կռիվ կուզեն, ես մենակ եմ չեմ կանա կայնի ինոնց դեմ» (Բ. Բ. 398): Նույն ենք տեսնում նաև մեծ Մհերի ու Դավիթի գործողություններում: Մեծ Մհերը սպանելով սպիտակ դեին, իսկ Դավիթը Զանփուլատ դեին, ըստ էության, ազատագրում են հարևան «ախլաթցիներին» արտաքին թշնամիներից և բարեկամություն հաստատում սասունցիների և «ախլաթցիների» միջև: Այս է վկայում նաև այն ջերմ ընդունելությունը, որ ցույց են տալիս Դավիթն ախլաթցիները դեին սպանելուց հետո՝ նրա քաղաք մտնելու ժամանակ:

Պետք է նկատել, սակայն, որ էպոսի ինչպես մյուս ճյուղերում, այնպես էլ հատկապես Դավիթի ճյուղում արտաքին հարստահարիչների դեմ մղված պայքարը չի սահմանափակվում դեերի և վիշապների դեմ մղված պայքարով: Դավիթն իբրև հայ ժողովրդի ազգային անկախության հերոսական պաշտպան դեերի ու վիշապների կերպարանքով հանդես եկող թշնամիներից բացի մարտնչում է նաև սասունցիների և մյուս ժողովուրդների ազգային միանգամայն իրական-պատմական թշնամիների դեմ: Դրանցից են ամենից առաջ Մսրա Մելիքը իր «Խաչ պարոններով», Բաբը Ֆրենկը, Աջմու Շապուհը, Շրբկան Խորասականը և բանաստեղծական անուններով կամ ուղղակի իբրև «թագավոր» ու «կուսպաշտ» հանդես եկող բազմաթիվ օտար հարստահարիչներ: Դրանցից է, օրինակ, հենց առաջին ճյուղում արաբ հարստահարիչներին ներկայացնող «կուսպաշտ» թագավորը, որին սպանում են երկվորյակ եղբայրները: Սանասարն ու Բաղդասարը սպանելով իրենց կուսպաշտ հորը, որը հայերի դեմ մղած յոթնամյա կռիվում պարտվելուց հետո գերությունից մի կերպ ազատվելու պատճառով «ուխտել» էր զոհել նրանց իր «կռքերին», ազատագրում են արտաքին թշնամուց ոչ միայն Գագիկ թագավորին, այլև կուսպաշտ թագավորի սեփական ժողովրդին և նրա կողմից ստրկացված մյուս ժողովուրդներին: Դավիթը սպանելով Մսրա Մելիքին ազատագրում է ոչ միայն սասունցիներին ու արաբ ժողովրդին, ինչպես վկայում է «զոռով» կռվի դաշտ բերված արաբ ծերունին, այլև Մսրա Մելիքի լծի տակ հեծող մյուս ժողովուրդներին: Դավիթը ճիշտ նույն նպատակն է հետապնդում նաև Բաբը Ֆրենկին ու նրա «չոջ մարգերին», Շրբկան Խորասականին, Աջմու Շապուհին և մյուսներին սպանելով:

Եվ եթե նկատի ունենանք, որ ի դեմս Բաբը Ֆրենկի և «Խաչ պարոնների» էպոսի ասացողները ներկայացնում են բյուզանդական ագրեսորներին և եվրոպական բոլոր ղալթիչներին, իսկ ի դեմս Աջմու Շապուհի, Շրբկան Խորասականի, Բեզլար-Բեգերի և այլոց պարսկական, սելջուկյան ու մոնղոլական դավթիչնե-

րին. ապա միանգամայն պարզ կդառնա, որ վերոհիշյալ բոլոր օրինակներում մենք գործ ունենք ինչպիսի արարների, այնպես էլ Անդրկովկաս ներխուժած արտաքին մյուս հարստահարիչների դեմ անդրկովկասյան ժողովուրդների համատեղ մղած իրական պատմական կռիվների հետ: Այդ կռիվներից հիշատակության արժանի է ամենից առաջ այն հերոսական դիմադրությունը, որ միացյալ ուժերով ցույց են տալիս հայերն ու վրացիները Անդրկովկաս ներխուժած արաբական չարդարարներին: Հայերի և վրացիների համատեղ պայքարի շնորհիվ է, որ արաբները երկար ժամանակ չեն կարողանում գրավել ոչ Հայաստանը և ոչ էլ Վրաստանը: Հայերը օգնության ձեռք են մեկնել նաև աղվաններին (ադրբեջանցիներին) և նրանց հետ միասին Բաբեկի չլիսավորությամբ համատեղ հերոսական կռիվ մղել արաբների դեմ: Հանրահայտ է հայերի, վրացիների, ադրբեջանցիների և կովկասյան մյուս ժողովուրդների համատեղ պայքարը բյուզանդական կայսրության դեմ 10-րդ դարի երկրորդ կեսին, սելջուկների դեմ 12-րդ դարի վերջերին և 13-րդ դարի սկզբներին (1199—1210), մոնղոլների դեմ 13-րդ դարի կեսին (1249) և այլն: Հայերի, վրացիների, ադրբեջանցիների և կովկասյան մյուս ժողովուրդների հոգերի վրա ոտնձգություն կատարող օտարերկրյա զավթիչների դեմ այդ ժողովուրդների մղած վերոհիշյալ համատեղ պայքարը վկայում է նրանց դարավոր բարեկամության մասին, ազգերի համերաշխության ու եղբայրության մասին: Հայերի և հարևան ժողովուրդների համատեղ պայքարի ու փոխադարձ օգնության այս պատմական փաստերը չէին կարող դուրս մնալ և դուրս չեն մնացել էպոսն ասացողների տեսադաշտից ու էպոսից, որովհետև դրանք կատարվում էին այն դարերում, երբ վերջնականապես ձևավորվում էր էպոսը: Եվ մենք տեսնում ենք, որ հիշյալ իրադարձությունները և հետագա դարերում կատարված նմանօրինակ քաղմածիվ այլ իրադարձություններ իրենց գեղարվեստական արտացոլումն են գտել էպոսում վերը բերված այն եղբայրական օգնության միջոցով, որ ցույց են տալիս մեր հերոսները հարևան ժողովուրդներին և նույնը փոխադարձաբար ստանում նրանցից:

Ժողովուրդների բարեկամությունն, այսպիսով, ինչպես պատմական իրականության մեջ, այնպես էլ էպոսում, բարձրացել է օտար հարստահարիչների դեմ մղված համատեղ պայքարի ամուր հիմքերի վրա: Այս է նրա կենսունակության կառուցադրված նախադրյալներից մեկը:

Էպոսում արտացոլվել է նաև հարևան և օտար ժողովուրդների սոցիալ-դասակարգային պայքարին Դավթի ու մյուս գլխավոր հերոսների ցույց տված օգնությունը, որը նույնպես պետք է դիտել իբրև ժողովուրդների բարեկամության արտահայտություն: Որպես օրինակ հիշենք հենց թեկուզ Բաբր Ֆրենկի ու նրա բոլոր «չոջ մարգերի» դեմ Դավթի կռվի և նրանց սպանելուց հետո քաղաքում, այսպես կոչված, «դեմոկրատական ինքնավարություն» ստեղծելու փաստը, ինչպես նաև աշխատավորությանը Դավթի ուղղած այն խոսքերը, թե «որ դուք անել կընգնեք ընծի թուղթ գրեք, ճամբիսեք իս կըգամ» (Ա. 465): Հարևան և օտար ժողովուրդների ու նրանց ներքին հարստահարիչների հետ նույն կերպ է վարվում նաև փոքր Մհերը: «Չար աշխարհի» դեմ մղած կռիվների ընթացքում նա շատ անգամ է ժողովուրդներին ազատագրում իրենց սեփական տերերից: Գոհարի խնդրանքով, օրինակ, հալեպցիներին ազատում է Բուրսայի հարկահաններից (Բ. Բ. 527), իսկ յոթ եղբայրների խնդրանքով նրանց իրենց քաղա-

քի թագավոր մարդակեր պառավից, նա ջերմորեն սիրում և սիրվում է Ադրբե-
ջանի, «Գյուրջստանի» և «Թուրքեստանի» ժողովուրդների կողմից նրանց ցույց
տված եղբայրական օգնության համար (Ա. 298—299), Կարելի է բազմապատ-
կել օրինակները, բայց բերածներն էլ բավական են համոզվելու, որ էպոսի
հերոսները իրենց ստեղծող ժողովրդի նման պայքարել են ոչ միայն սեփա-
կան, այլև հարևան ու հեռավոր ժողովուրդների ներքին հարստահարիչների դեմ,
այդ նույն ժողովուրդների հետ միասին: Այս տեսակետից ոչ մի հիմք չկա ժխտե-
լու, որ դրանք և դրանց նման մի շարք այլ փաստեր իրական-պատմական հան-
րահայտ անցքերի՝ 9—11-րդ դդ. Հայաստանից Աղվանք, Ասորիք, Բյուզանդա-
կան կայսրության արևելյան նահանգներն ու Բալկաններն անցած պալիկյան
ու թոնդրակյան հակաֆեոդալական շարժումների արձագանքները կամ վիպա-
կան դրսևորումները չեն: Խնչպես պալիկյաններն ու թոնդրակյանները հիշյալ
երկրներն անցնելով այդ ժողովուրդների հետ համատեղ պայքարում էին նրանց
սեփական հարստահարիչների դեմ, օգնում նրանց սոցիալական ազատագրու-
թյանը, և դրանով իսկ, բարեկամություն հաստատում հայ և այլ ժողովուրդների
միջև, այնպես էլ էպոսի հերոսները ու հատկապես փոքր Մհերը, իբրև պալիկ-
յան ու թոնդրակյան շարժումների հիմնական գաղափարը՝ ֆեոդալիզմի դեմ
պայքարը իր գործողությունների մեջ դրսևորող կերպար, հարստահարիչնե-
րին սպանելով և իշխանությունը տվյալ երկրի ժողովուրդներին հանձնելով սերտ
ու անխախտ բարեկամություն է հաստատում սասունցիների և վիպական
անունների տակ հանդես եկող ժողովուրդների միջև: Այս բոլորը ցույց են տալիս,
որ էպոսը հարազատորեն վերարտադրել է պատմական իրադարձությունների
ոգին, ժողովուրդների բարեկամության և համերաշխության գաղափարը: Նույնն
ենք տեսնում նաև զավթողական պատերազմների ժխտումն ու խաղաղության
պաշտպանությունն արտացոլող և ժողովրդի ստեղծագործ աշխատանքը պատ-
կերող էպիզոդներում: Պատերազմել պատերազմի դեմ, վերացնել կամ սան-
ձահարել վերջինիս հրձիգներին, նշանակում է վերացնել ժողովուրդների բարե-
կամության ամենաոխերիմ թշնամիներին: Ահա թե ինչու խաղաղության և
ստեղծարար աշխատանքի համար զավթողական պատերազմների դեմ էպոսի
ազգային և ալլազգի հերոսների մղած պայքարը միաժամանակ ժողովուրդների
բարեկամության համար մղված պայքար է և այդ բարեկամության արտահայ-
տությունը: Կարելի է ասել, այսպիսով, որ թե պատմական իրականության մեջ
և թե այդ իրականության գեղարվեստական արտացոլումն հանդիսացող էպո-
սում հայ և հարևան ժողովուրդների բարեկամությունն ամրապնդվել է արտաքին
ու ներքին հարստահարիչների դեմ մղած հերոսական կռիվներում նրանց հա-
մատեղ թափած արյունով:

Այսօրինակ բարեկամությունն ինքնին ժխտում է իշխողների քարոզած
ազգային ատելությունը՝ նացիոնալիզմը: Էպոսի ազգային և ալլազգի դրա-
կան բոլոր հերոսներին խորթ է այդ գաղափարը: Դրան հակառակ նրանք խո-
րապես հարգում ու սիրում են իրար, պաշտպանում են միմյանց շահերը,
կապվում են իրար հետ խնամիական ու ընկերական կապերով և իրար տուն
դնում իբրև եղբայրներ: «Շատեր քուրդ, խայ կըլնին ախպեր, մեկ մեկի տուն
կերթան» (Ա. 415), ասում է որդուն Իսմիլ Խաթունը: Հայ ժողովրդի սերը դեպի
հարևան ու հեռավոր ժողովուրդները այն աստիճան ջերմ է ու անշահախնդիր,
որ ծոնկի է բերում էպոսի մի շարք պատումներում իբրև հայ ժողովրդի ալ-

գային ոխերիմ թշնամի հանդես եկող Իսմիլ խաթունին և ստիպում նրան խոստովանել ու պաշտպանել Դավթի, ուրեմն և հայ ժողովրդի խաղաղասիրական, բարեկամական վարքագիծը, հակադրելով այն իր տղային՝ Մսրա Սելիքի զավթողական և հարևան ու օտար ազգերի նկատմամբ ցուցաբերած ջարդարարական վարքագծին:

Մելիք, է քու խելք չի կտուի
 Որ դա Դավթի խետ աղեկ ընենր.
 Դավթի քու խուսք տաներ:
 Աղեկ, Դավթի մոտ չգնացիր,
 Դավթն էլ չի կանչեր քո տուն,
 Էլ քու դավին ի՞նչ էր Դավթի խետ,
 Որ դու ճամբխիր, յոթ տարվա խարճ ուզիր,
 Էդա քառասուն երկեն, քառասուն կարճ կնկտի՞ր ինչ էր:
 Քառասուն աղջկտի՞ր ինչ էր:
 Քո արված որ դու էրիր,
 Հալա Դավթ ի՞նչի էրիր.
 Դավթի արած հալա քիչի:

Ա. 415

Ազգային ատելության իսպառ բացակայությունը, ժխտումը էպոսում այդ փաստով չի սպառվում, որովհետև հայ ժողովրդի ծանոթությունն ու շփումը արարներով չի սահմանափակվում: Թե պատմական իրականության մեջ և թե այդ իրականության էպիկական, անախրոնիկ արտացոլումն հանդիսացող էպոսում նա շփվել կամ բախվել է մեծ թվով ազգերի ու ժողովուրդների և կամ նրանց ներկայացուցիչների հետ, սակայն ոչ մի տեղ առաջ չի քաշել ազգային խտրականության գաղափարը: Այսպես է վարվել նույնիսկ այն դեպքերում, երբ իր առաջ կանգնել է բացարձակ թշնամին: Նա բոլոր դեպքերում թշնամու մեջ տեսել է ոչ թե ազգային կամ կրոնական տարբերությունը և պայքարել նրա դեմ այդ հողի վրա, այլ ամենից առաջ ու բացառապես իրեն հարցատահարիչին և կովի է ելել միայն այդ հողի վրա: Այս է պատճառը, որ նրանց դեմ մղված կռիվները, հակառակ մի քանի նացիոնալիստ «ասացողների» (Հ. Նրգեյան և այլն) չի ներկայացվել իրրև կրոնական կամ այլազգիների դեմ մղված կռիվներ, այլ ներկայացվել է իրրև ժողովրդական ազատագրական կռիվներ:

Էպոսի հերոսները միշտ խորին հարգանքով են վերաբերվում այլազգիներին իրրև այգպիսիների և նրանց կրոնական համոզմունքներին: Մի քանի անգամ Կուրադինը և Մսրա Մելիքը ավերում են Մարութիլը և սպանում վանքի սպասավորներին: Դրանից Դավթիթը կսկիծ է ապրում և վրեժով լցվում թշնամիների նկատմամբ, սակայն, երբևէ նրանց մասին չի խոսում իրրև կռապաշտի կամ այլակրոնի, երբևէ չի ժխտում կռապաշտությունը կամ մահմեդականությունը: Այդպես են նաև մյուս հերոսները: Նույնիսկ Մհերը, որին սխալմամբ վերագրում են «կռապաշտությունը» վերցնողի դեր, հոր սպանության վրեժն առնելիս կռապաշտ Սուլթանին տարբերում է կռապաշտ աշխատավորից, սպանում է միայն Չմշկիկ Սուլթանին կամ Բանա խանումին և ոչ երբևէ կռապաշտ ժողովուրդին (Ա. 165, 1021 և այլն): «Ո՞վ է սպանել Դավթին, — հարցնում է Մհերը: — Իս, ըսեց Բանա խանումը: Բռնեց Մհեր Բանա խանումի երկու թևեր:

ծամեր կապեց Քուռկիկ Զալալիկի պոչին, քշեց, ըսաց, — Քուռկիկ Զալալիկ, տար սար ու ձոր փշուր-փշուր էրա, ամեն կտոր մեկ տեղ թող էկո, իմ սիրտ հանգստանա» (Բ. Բ. 616): Մեր հերոսները չէին կարող և չեն ժխտել այլազգիների կռապաշտությունն ու մահամեղականությունը և կամ հակադրվել վերջիններիս հենց թեկուզ այն պատճառով, որ էպոսի և ոչ մի պատումում հանդես չեն եկել իբրև մոլեռանդ քրիստոնյա հավատացյալներ, այլ ընդհակառակն, ակնհայտ հակակրանքով են վերաբերվել եկեղեցական ծիսակատարություններին, եկեղեցուն և նրա սպասավորներին: Մհերը նույնիսկ զենքը ձեռքին կռվում է աստծու հրեշտակների և իրեն իսկ աստծու դեմ (Ա. 1085, Բ. 347): Հերոսների գործողությունների հիմքն ու առաջնիշխ ուժը ժողովուրդների շահերի պաշտպանության ու նրանց բարեկամության գաղափարն է և ոչ ազգային ու կրոնական տարբերության հողի վրա ատելություն հրահրելու ժողովրդակործան սկզբունքը: Մեր հերոսները անողոք են բոլոր հարստահարիչների ուրեմն և ժողովուրդների բարեկամության թշնամիների նկատմամբ, ինչ ազգի ու կրոնի էլ պատկանելիս լինեն նրանք: Բաբը Ֆրենկը, հաշ պարոնները, և բազմաթիվ այլ արտաքին հարստահարիչներ քրիստոնյաներ են, բայց այդ չի խանգարում էպոսի քրիստոնյա հերոսներին անխնա դատաստան տեսնել նրանց հետ: Քառսուն Ճող Սամը, հանդութ հաթունը, Գոհարը, Գորգիլը, արաբ ծերունին, Բարը Ֆրենկի քաղաքի «պստիկները», ախլաթցիները և բազմաթիվ ուրիշներ այլազգիներ են, իսկ դրանցից շատերը նաև այլակրոններ, բայց այդ չի խանգարում, որ մեր հերոսները ամուսնական, ընկերական, եղբայրական կապերով և թշնամու դեմ մղված համատեղ պայքարի միջոցով սերտորեն կապվեն նրանց հետ, սիրեն նրանց, հոգան նրանց մասին: Այդ, անշուշտ, այլազգիների և ոչ քրիստոնյաների նկատմամբ էպոսի ասացողների, ուրեմն և ժողովրդի ցուցաբերած վերաբերմունքի արտահայտությունն է, որը դրսևորվել է ոչ միայն հերոսների գործողությունների ու վարքագծի մեջ, այլև վիպասանների ուղղակի խոսքում: Բնորոշ է այս տեսակետից այն փաստը, որ պատումներից մեկի վերջաբանում ասացողը բազմաթիվ ցանկությունների հետ միասին այլազգիներից մեկի լեզվով (ադրբեջաներեն) աստծուց ողորմություն է խնդրում նաև իրեն հայտնի յոթանասուն երկու ազգերի «Յոթանասուն երկու ազգի դու ողորմաս» (Բ. Բ. 318): Հիշատակության արժանի են ի վերջո օտար և հատկապես հարևան ժողովուրդների լեզուներով գործածված այն բազմաթիվ բառերն ու դարձվածքները, առածներն ու ասացվածքները, թեև վոր խոսքերն ու բանաձևումները և նույնիսկ երգերը (քրդերեն), որոնք առատորեն սփռված են էպոսի գրեթե բոլոր պատումներում: Այս բոլորից հետո միանգամայն անհիմն է պրոֆ. Մ. Աբեղյանի այն պնդումը, թե «Մեր վեպի մեջ հայոց վերաբերմունքը դեպի այլազգիները շատ բնականորեն թշնամական է ընդհանրապես» (Հայ ժողովրդական վեպը, էջ 204, Թիֆլիս, 1908): Էպոսի և ոչ մի պատումում այսօրինակ պնդման հիմք չի տալիս: Նվ պատահական չէ, որ իր կարծիքը հիմնավորելու համար Աբեղյանը չի կարողացել համապատասխան մեջբերում անել: Նա բերել է միայն Դավթի հարցին Հովանի տված խրատական պատասխանը, «որդի, դուշման, բաս մարդ սաղ կըթուլնի» (4689, ԲԲ. 298), որտեղ, սակայն, սպանված երկու գերիների մասին, իբրև այլազգիների և ոչ քրիստոնյաների հեռավոր ակնարկ անգամ չկա: Խանդուլի երկրի վրա նրանց հարձակման, պարտության և սպանության ամբողջ պատմությունը ցույց է տալիս, որ նրանք օտար վավթիչներ ու ջարդարարներ են, և որ Հովանը սպանում է նրանց հենց դրա համար և ոչ այն բանի

համար, որ նրանք այլազգիներ են, Մեր հերոսներն այսպիսով իրենց ստեղծող ժողովրդի նման երբեք սուր չեն բարձրացրել այլազգիների դեմ իբրև այդպիսիների: Նրանց անսահման խորթ և օտար է ազգային խտրականությունն ու ազգային ատելությունը: Մերժելով այդ, նրանք ամբողջ ուժով պաշտպանել են ժողովուրդների բարեկամությունն ու եղբայրությունը, որոնք խարսխված են նրանց շահերի, երազանքների ու սպասելիքների նույնության և իրար նկատմամբ տածած խոր հարգանքի ու հավատի վրա: Ամուսնական և ընկերական սերտ ու անշահախնդիր կապեր, համատեղ անձնուրաց պայքար արտաքին ու ներքին հարստահարիչների դեմ, ազատության և ինքնության հերոսական պաշտպանություն, ազգային խտրականության և ազգային ատելության ժխտում, փոխադարձ օգնություն և ջերմ ու անկաշառ սեր միմյանց նկատմամբ — ահա էպոսում դրսևորված բարեկամության էությունը և այդ բարեկամության ժողովրդական ըմբռնումը: